

Broj:02-24-M02/14
Sarajevo,07.04.2014.godine

BOSNA I HERCEGOVINA
FEDERACIJA BOSNE I HERCEGOVINE
GENERALNI SEKRETARIJAT
VLADE FEDERACIJE BOSNE I HERCEGOVINE
n/r gđa Edita Kalajdžić, sekretar Vlade FBiH

OTPREMLJENO
datum: 07-04-2014
BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 7. 4. 2014			
Organizaciona jedinica	Klasifikaciona oznaka	Redni broj	Broj priloga
02-02-		405	2014

PREDMET: Izjašnjenje
V e z a: Akt Vlade broj: 03/02-405/2014 MA od 07. 04.2014.godine

Na „Prijedlog mjera za izlazak iz ekonomske i društvene krize“ Udruženja poslodavaca FBiH i „Prijedlog mjera za prevazilaženje teške ekonomsko-socijalne situacije u FBiH i BiH“ Saveza samostalnih sindikata Bosne i Hercegovine, dajemo slijedeće

IZJAŠNJENJE

Podržavamo većinu od predloženih prijedloga mjera za izlazak iz ekonomske i društvene krize odnosno prevazilaženje teške ekonomsko-socijalne situacije u Bosni i Hercegovini odnosno u Federaciji BiH.

S tim u vezi ističemo nadležnosti FMPVŠ:

Federalno ministarstvo poljoprivrede vodoprivrede i šumarstva je nadležno za: upravne, stručne i druge poslove iz nadležnosti Federacije Bosne i Hercegovine koji se odnose na: kreiranje i usklađivanje okvirne poljoprivredne politike, politike ruralnog razvoja i politike upravljanja prirodnim resursima sa politikom EU; razvoj i unapređenje poljoprivredne proizvodnje u ratarstvu, stočarstvu, ribarstvu, voćarstvu, vinogradarstvu i maslinarstvu, proizvodnju i promet sjemena i sadnog materijala, zaštitu poljoprivrednog bilja, korištenje poljoprivrednog zemljišta; oblast prehrambene industrije, provođenje mjera veterinarskog javnog zdravstva, zdravstvenu zaštitu životinja; zdravstvenu ispravnost proizvoda životinjskog porijekla, unapređenje proizvodnje u šumarstvu, uzgoj, zaštitu, uređivanje i unapređivanje šuma, eksploataciju šuma; pošumljavanje degradiranih i izdanačkih šuma, goleti i krša; lovstvo i lovnu prirodu; vodne izvore, planove, osnove i bilanse voda; zahvatanje i korištenje voda; osiguranje vode za potrebe vodoshabdijevanja stanovništva i industrije, kao i druge poslove određene zakonima iz nadležnosti Ministarstva.

Poslovi iz djelokruga Ministarstva vrše se u okviru organizacijskih jedinica koje su obrazovane kao osnovne organizacijske jedinice kojih u Ministarstvu ima 14 i to: Kabinet ministra; 10 Sektora, jedinica za internu reviziju i Federalna uprava za šumarstvo (FUŠ).

U FMPVŠ je zaposleno 99 službenika i namještenika.

2. Najvažniji Programi i aktivnosti:

Najznačajnije politike koje će se prioritetno realizirati kroz programe, mjere i aktivnosti u oblastima za koje je nadležno Ministarstvo u periodu 2014. - 2016. godine su:

- Podizanje konkurentnosti poljoprivredno-prehrambenih proizvoda na domaćem i ino tržištu,

Sarajevo, Marka Marulića 2., Tel.: +387 33 72 65 77, Fax: 72 65 52,

- Unaprjeđenje upravljanja i zaštita vodnih resursa,
- Zaštita zdravlja životinja, proizvodnja sigurnih proizvoda animalnog porijekla i očuvanje okoliša i
- Unaprjeđenje upravljanja i gospodarenja šumskim ekosistemima u FBiH.

Ministarstvo će u periodu 2014. – 2016. godine primarno raditi na realiziranju strateških ciljeva, podciljeva, prioriteta i mjera iz usvojenih strateških dokumenata, kroz definisanje i provođenje politika, zakona i drugih propisa iz svoje nadležnosti.

Politika djelovanja Ministarstva će se posebno usmjeriti na usaglašavanje istih sa pravnom tečevinom EU i drugim međunarodnim sporazumima i obavezama zaključenim od strane BiH, u bliskoj saradnji sa vladinim i nevladinim partnerima, s ciljem osiguravanja održivog razvoja poljoprivrede, prehrambene industrije, veterinarstva, šumarstva i vodoprivrede, putem racionalnog korištenja i zaštite prirodnih resursa.

Prioritetan pravac djelovanja u narednom periodu je podizanje konkurentnosti u proizvodnji, preradi, trgovini i izvozu poljoprivredno-prehrambenih proizvoda, povećanje investiranja u poljoprivredu i unaprjeđenje kvalitete života u ruralnim područjima.

U narednom periodu, nužan je i nastavak započetih aktivnosti ka unaprjeđenju pravno-institucionalnih kapaciteta u oblasti voda u Federaciji BiH, u skladu sa domaćim potrebama i integrisanjem u EU, sa naglaskom na zaštitu vodnih resursa.

Prioritet je i provođenje mjera veterinarskog javnog zdravstva (zaštita zdravlja životinja u cilju zaštite stanovništva), uspostava efikasne kontrole zdravlja životinja i zdravstvene ispravnosti proizvoda životinjskog porijekla koji se koriste u prehrani ljudi, jačanje postojećih i uspostava novih dijagnostičkih kapaciteta, osiguranje boljih uvjeta za uzgojne i prerađivačke objekte u okviru animalne proizvodnje i prerade kako bi se domaći proizvođači mogli pojaviti konkurentniji na tržištu EU, te veterinarska zaštita okoliša.

Potrebno je i definiranje dugoročne politike i strategije šumarstva kroz donošenje Šumarskog programa Federacije BiH, te razvijanje institucija i zakonodavnog okvira za održivo gospodarenje šumama kao i uređenje oblasti lovstva u FBiH.

Podsticanje, pripremanje, koordinacija i provođenje razvojnih infrastrukturnih i institucionalnih projekata iz nadležnosti Ministarstva finansiranih iz domaćih i ino izvora, svakako će biti značajan segment budućeg djelovanja.

3. Osvrt na prijedloge mjera

3.1. OBLAST ŠUMARSTVA

- naknada za korištenje šuma-

Vezano za naše nadležnosti u poglavlju I - **HITNE MJERE** tačka 1.b) rasterećenje privrede, predloženo je ukidanje naknade za opštekorisne funkcije šuma (OKŠ).

O predmetnom se vodi diskusija već duži period i u većini slučajeva prijedlog poslodavaca vezano za predmetno je usmjeren na ukidanje, smanjenje ili promjenu osnovice za izračun OKŠ. U više navrta smo davali obrazloženja i pojašnjavali značaj ovog prihoda sa aspekta šumarstva te smo ranijim Zakonom o izmjenama i dopunama Zakona o šumama ("Službene novine Federacije BiH", broj 29/03)u , u cilju otklanjanje barijera u odvijanju biznisa, izvršili izmjene i dopune tada važećeg Zakona o šumama i prpisali da se uplate za OKŠ neće primjenjivati u slučaju kada u Budžetu Federacije, odnosno budžetima kantona budu previđena sredstva za općekorisne funkcije u šumarstvu.

Opće poznato je da trenutno u Federaciji nemamo Zakona o šumama (presuda Ustavnog suda FBiH) kojom su određene odredbe navedenog zakona, ocijenjene kao neusklađene sa Zakonom o lokalnoj samoupravi U FBiH. Iz razloga što još uvijek nije donesen ovaj Zakon, a prestala je primjena Uredbe o šumama, trenutno u Federaciji

BiH nijedno pravno lice koje obavlja privrednu djelatnost na teritoriji Federacije, ne plaća naknada za opštekorisne funkcije šuma (OKŠ).

Kada je pripreman novi PredNacrt Zakona o šumama, o predmetnom se vodilo računa i promjenjena je osnovica za izračun OKŠ ali nije potpuno ukinuta. Kada ovaj Zakon bude u parlamentarnoj proceduri, saglasni smo da se o predmetnom ponovo raspravlja, ali ponovo naglašavamo da je ova naknada prihod namjenskog fonda Federacije i namjenskih fondova kantona i da se koristi za očuvanje i zaštitu šuma, jačanje njihovih ekoloških funkcija, planiranje u šumarstvu i upravljanje šumama, ekonomske funkcije finansiranje obnove i unaprjeđivanje šuma na teritoriji Federacije Bosne i Hercegovine i sl.

Ukoliko je opredjeljenje da se OKŠ potpuno ukine, treba poduzeti mjere da se u Budžetu Federacije i budžetima kantona izdvoje sredstva za opštekorisne funkcije u šumarstvu kako bi pravni subjekti koji su obveznici plaćanja, imali manja izdvajanja po ovom osnovu.

III SISTEMSKE MJERE

tačka 1. Izrada i usvajanje strategija za pojedine oblasti

U FMPVŠ trenutno je u fazi izrade usvajanje slijedećih strateških dokumenata:

- Srednjoročna strategija razvoja poljoprivrednog Sektora 2014-2018. g. izrađen Nacrt, održana javna prezentacija i javna rasprava, strategija se finalizira: Rok I kvartal
- Srednjoročne Strategije pružanja savjetodavnih usluga u poljoprivredi 2015-2019. godina Rok: III kvartal 2014.
- Usvajanje Programa ruralnog razvoja Federacije BiH za period 2014-2020. g. Rok: III kvartal 2014.
- Donošenje Šumarskog programa Federacije BiH kojim će se definisati dugoročne politike i petogodišnje strategije šumarstva te razvijanje institucija i zakonskog okvira za održivo gospodarenje šumama na razini FBiH kao donošenje regulative u cilju uređenja lovstva u FBiH. Rok: IV kvartal 2014.

Vezano za mjere zaštite domaće proizvodnje, izvještavamo da u cilju podizanja konkurentnosti u proizvodnji, preradi i trgovini i investiranja u poljoprivredu i unapređenje kvaliteta života u ruralnim područjima, svake godine kroz Program podrški Vlade FBiH "Poticaj za poljoprivredu" iz Budžeta FBiH, izdvajamo i plasiramo određena sredstva, ali u potpunosti postićemo prijedlog da se za stimulaciju i zaštitu domaće poljoprivrede i porodičnog poduzetništva (porodična poljoprivredna gazdinstva), trebaju u narednom periodu, izdvajati mnogo veća sredstva iz Budžeta na svim nivoima vlasti u BiH.

Podržavamo prijedlog da se formiraju kompetentni interesorni timovi koji će sačiniti operativne planove za provođenje predviđenih mjera te utvrditi nositelje aktivnosti i rokove za realizaciju prijedloženih aktivnosti u cilju prevazilaženja teške ekonomsko-socijalne situacije i poboljšanja cjelokupnog društvenog ambijenta u Federaciji BiH i Bosni i Hercegovini.

S poštovanjem,

Priprema akta:
Faketa Begović

po. MINISTAR - a
proq
Jerko Ivanković-Lijanović
ing